



MILLIY TIKLANISH

22 (454)

2017 йил 31 май, чоршанба

Ўзбекистон "Миллий тикланиш" демократик партиясининг ижтимоий-сиёсий газетаси

ЎзМТДП — www.mt.uz

Тахририят — www.milliytiklanish.uz

2008 йил 30 октябрдан чиқа бошлаган

ИНВЕСТИЦИЯ ЛОЙИХАЛАРИНИ САМАРАЛИ АМАЛГА ОШИРИШ — ЭНГ МУҲИМ ВА ДОЛЗАРБ ВАЗИФА

Тошкент шаҳрида 30 май кuni видеоселектор йиғилиши ўтказилди. Унда 2017 йилги Инвестиция дастурига киритилган ва Ўзбекистон Республикаси Президенти Шавкат Мирзиёевнинг мамлакатимиз ҳудудларига ташрифлари давомида ишлаб чиқилган инвестиция лойиҳаларини амалга ошириш бора-сидаги ишларнинг ҳолатини танқидий таҳлил қилиш ва баҳолаш масалалари кўриб чиқилди.

Йиғилишда Бош вазир ва унинг ўринбосарлари, Президентнинг Давлат маслаҳатчилари, тегишли вазирлик ва идоралар, ҳўжалик бирлашмалари раҳбарлари иштирок этди. Шунингдек, видеоконференция орқали Тошкент ва Нукус шаҳарлари, вилоятлар марказида ташкил этилган студияларда Қорақалпоғистон Республикаси раҳбарияти, маҳаллий ҳокимликлар, вазирлик ва идораларнинг ҳудудий тузилмалари, корхоналар раҳбарлари, тадбиркор ва инвесторлар қатнашди.

Йиғилишни Ўзбекистон Республикаси Президенти Шавкат Мирзиёев бошқарди.

Давлатимиз раҳбари инвестициялар ҳажмининг изчил кўпайтириб бориш, замонавий ишлаб чиқариш объектларини ишга тушириш мамлакатимиз иқтисодий ривожлантириш, янги иш ўринлари яратиш, муҳим ижтимоий дастурларни амалга ошириш, энг асосийси, аҳолининг ҳаёт даражаси ва сифатини янада яхшилашнинг ҳал қилувчи омил эканини таъкидлади.

2017 йилги Инвестиция дастурига умумий қиймати 50 миллиард АҚШ долларига тенг 545 инвестиция лойиҳаси киритилган бўлиб, йил давомида

7,3 миллиард долларлик сармояларни ўзлаштириш белгиланган.

Шунингдек, 2017 йилда умумий қиймати 2,4 миллиард долларга тенг бўлган 170 янги ишлаб чиқариш объектини ишга тушириш мўлжалланмоқда. Жорий йилнинг январь-апрель ойларида умумий қиймати 73,5 миллион долларлик 9 лойиҳани амалга ошириш ишлари якунлангани алоҳида қайд этилди.

Инвестиция дастурига кирмаган, давлатимиз раҳбарининг Қорақалпоғистон Республикаси, вилоятлар ва Тошкент шаҳри туманларига ташрифлари давомида ишлаб чиқилган, ҳудудлар миқёсида муҳим аҳамиятга эга бўлган 19 триллион 300 миллиард сўмлик мингдан зиёд йирик лойиҳалар амалга оширилаётгани, бугунги кунда уларнинг 39 таси бўйича объектлар ишга туширилгани таъкидланди.

Шу билан бирга, йиғилишда айрим тармоқлар ва ҳудудлар раҳбарларида масъулият, талабчанлик ва ташаббускорлик етишмаётгани, бунинг оқибатида кўпгина инвестиция лойиҳаларини амалга оширишда сусткашликка йўл қўйилаётгани қаттиқ танқид қилинди.

Жумладан, шу йилнинг биринчи ярмида 10 лойиҳа бўйича объектларни ишга тушириш муддатлари асоссиз равишда кечиктириб юборилгани, 9 лойиҳани молиялаштириш бўйича шартномалар тузиш, 10 лойиҳа юзасидан лойиҳа-смета ҳужжатларини тасдиқлаш ишлари пай-салга солиб келинаётгани аниқ мисоллар билан кўрсатиб ўтилди. Тармоқлар раҳбарлари ва лойиҳалар ташаббускорлари оддига ана шундай муаммоларни тезлик билан ҳал қилиш, бу борадаги қоқоқлик ҳолатларини бартараф этиш қатъий вазифа қилиб қўйилди.

Давлатимиз раҳбари инвестиция лойиҳаларининг ўз вақтида ва сифатли амалга оширилмаслиги оқибатида замонавий объектларни ишга тушириш муддатлари кечикиши, бу эса талаб юқори бўлган маҳсулотларнинг бозорга етиб боришига, қанча-қанча одамлар, аввало, ёшларнинг иш билан таъминланишига салбий таъсир кўрсатишини таъкидлаб, бундай ҳолатларга йўл қўйган мутасади раҳбарларга нисбатан қатъий чоралар кўрилиши ҳақида огоҳлантирди.

Йиғилишда инвестиция лойиҳаларини амалга оширишдаги сусткашлик сабабларидан бири энг куйи тизимда, яъни, ташаббускор тузилмалар ва лойиҳа институтлари даражасида тегишли ҳужжатлар етарлича пухта ишлаб чиқилмаслиги билан боғлиқ экани қайд этилди.

Ўтказилган ўрганиш ва таҳлиллардан аён бўлмоқдаки, айрим истиқболсиз лойиҳаларни Инвестиция дастурига киритиш ҳолатлари мавжуд бўлиб, уларнинг молиялаштириш манбалари ва мақсадли стратегияси аниқ белгиланмаган, қўйлаётган натижалар бўйича зарур ҳисоб-китоблар ишлаб чиқилмаган.

Шу муносабат билан давлатимиз раҳбари томонидан тегишли вазирлик ва идораларга икки ой муддатда мамлакатимизни ижтимоий-иқтисодий ривожлантиришнинг стратегик вазифаларидан келиб чиққан ҳолда, Инвестиция дастурини шакллантириш ва унда амалга ошириш, истиқболли инвестиция лойиҳаларни базисини яратиш бўйича меъёрий-ҳуқуқий базани такомиллаштириш юзасидан қарор лойиҳасини ишлаб чиқиш ва тасдиқлаш учун киритиш ҳақида топшириқлар берилди.

Ўқув-семинар



ТЕЗКОР ВА ХОЛИС АХБОРОТ УЗАТИШ — БОШ МЕЗОН

Бугунги шиддатли ва тезкор давр оммавий ахборот воситалари ходимлари зиммасига ҳам катта масъулият юклатмоқда. Оммавий ахборот воситалари нафақат тезкор маълумот, хабар тарқатиши, балки одамларнинг йў-фикрлари, воқеа-ҳодисаларга муносабати ва позициясини эркин ифода этадиган минбарга айланиши лозим. 2017-2021 йилларда Ўзбекистон Республикасини ривожлантиришнинг бешта устувор йўналиши бўйича Ҳаракатлар стратегиясида жамиятда оммавий ахборот воситаларининг ролини кучайтириш, журналистларнинг касб фаолиятини такомиллаштиришга қаратилган муҳим вазифалар белгиланган.

Ўзбекистон "Миллий тикланиш" демократик партияси Марказий кенгаши ташкил этган "Партия фаолиятини оммавий ахборот воситалари ҳамда ижтимоий тармоқларда ёритишнинг долзарб вазифалари" мавзусидаги ўқув-семинарда шу ҳақда сўз борди. Унда ҳудудий партия ташкилотлари матбуот хизмати вакилларининг малакасини ошириш, маҳаллий ОАВлар билан ҳамкорликни кучайтириш, ижтимоий тармоқларда партиянинг дастурий мақсад-вазифаларини, миллий тикланиш госясини, партия ташкилотлари фаолиятини самарали ёритиш юзасидан билим, кўникма ва тавсиялар бериш масалаларига алоҳида эътибор қаратилди.

Ўқув-семинарда ЎзМТДП Марказий кенгаши раиси Сарвар Отамуратов сўзга чиқди.

Миллий гуруҳ

МИЛЛИЙ ИЛДИЗЛАРДАН КУЧ ОЛГАН САНЪАТ



Замонавий билим ва касб-ҳунарларни пухта ўзлаштирган, дунёқарашини кенг ва мустакил фикрлайдиган юсак интеллектлар авлодини тарбиялаш мамлакатимизда амалга оширилаётган давлат сиёсатининг устувор йўналишидир. Айни пайтда ёшларнинг ижодий-интеллектуал салоҳиятини юксалтириш, истеъдод ва қобилиятини юзага чиқаришга хизмат қилаётган кўп рақиб танлов ва фестиваллар ўтказилмоқда. Зулфия номидаги Давлат мукофоти қизларини ўқишда, ижодий ва жамоат ишларида янада фаол бўлишга ундаётган бўлса, "Ниҳол" мукофоти, "Юрт келажagi" ва "Қамалак юлдузлари" каби танловлар минглаб иқтидорли ёшларни кашф қилиш ва рағбатлантиришда муҳим аҳамият касб этмоқда.

Фракция фаолияти

Давлат бюджетни маблағлари мамлакатимиз тараққиёти, халқимиз фаровонлиги ва турмуш сифатини янада юксалтиришга хизмат қилади. Шу боис улардан мақсадли фойдаланиш, бюджетдан ажратилаётган маблағлар самарадорлигини таъминлаш муҳим масала саналади. Ўзбекистон Республикасининг "Парламент назорати тўғрисида"ги қонунига биноан парламент палаталари Давлат бюджетни ижросини назорат қилиб боради.

ДАВЛАТ БЮДЖЕТИ ИЖРОСИ

ЎзМТДП ДАСТУРИЙ МАҚСАД-ВАЗИФАЛАРИДАН КЕЛИБ ЧИҚИБ МУҲОКАМА ҚИЛИНДИ

Олий Мажлис Қонунчилик палатасидаги ЎзМТДП фракциясининг навбатдаги йиғилиши Давлат бюджетининг 2016 йилдаги ҳамда 2017 йилнинг биринчи чорагидаги ижроси якунларига бағишланди. Фракция аъзолари бюджет ижроси муҳокамасига партия дастурий мақсад-вазифаларидан келиб чиққан ҳолда ёндашди.

Йиғилишни ЎзМТДП фракцияси раҳбари С.Отамуратов бошқарди. Йиғилишда фракция аъзолари 2016 йилда иқтисодий диверсификация қилиш ва таркибий ўзгартириш, ишлаб чиқаришга энг замонавий, илғор технологияларни жорий этиш орқали уни модернизациялаш миллий иқтисодийнинг экспорт салоҳиятини ва рақобатбардошлигини оширишга хизмат қилаётганлигини алоҳида таъкидлади. Бу, ўз навбатида, иқтисодийнинг юқори барқарор суръатларда ўсишини ва макроиқтисодий мувозанатлилигини таъминлаганлиги қайд этилди.

Ушбу сонда:

КИТОБ — ЭНГ ЯХШИ ДЎСТ ВА ТАРБИЯЧИ



5-бет



КЎҲНА ВА БОҚИЙ САНЪАТ МАСКАНИ

7-бет

ПОЛВОНЛАР ЮРТИ — СУРҲОНДА

кураш бўйича Ўзбекистон Республикаси Президенти соврини учун Ҳаким ат-Термизий хотирасига бағишланган XIII халқаро турнир муваффақиятли якунланди



8-бет



